

(...)

Testament de pierre faure plus vieulx de beauvais

Au nom de dieu de la sanctissime trinite et individue unite
le pere le filz et le saint sperit amen. come ainssi soit
que le filz de dieu tout puysant source fontaine et
origene de sapience nostre saulveur et redempteur
jhe(sus) xrist au [par]avant qu()il voulusse prandre mort et
passion [pour] la re[par]ation de()l()humaing linaige sur l()arbre
de la sainte croix il voulust faire et ordonner son
testament et derniere volunte affin de monstrier
exemple que asse semblance et similitude ung
chescun vray crestien puisse quant bon luy semblera
faire et ordonner son dernier testament et derniere
volunte et come ainssi soit que la vie de()l()home
soyt debille labile et caduque tellement qu()il n()y()a
home vivant que puisse evader la mort cor[por]elle

xi

et le jugement de dieu [par]devant lequel ung chescun est
tenu de rendre compte et entiere raison de ses faitz
propres car n()y()a rien plus certain que la mort et
rien plus incertain que l()heure d()icelle a()cause de quoy
ung chescun sage ne differe point ne doit point differer
de disposer et ordonner de ses biens propres et
mesmement quant il est sain et en son bon entendement
pour ce est il que l()an de()l()incarnation de nostre
seigneur **mil cinq cens quarante quatre** et le **quatorzi(eme)**
jour du moys de **juliet** regnant tres crestien prince
francois par la grace de dieu roy de france au lieu
de beauvais diocese de montauban seneschauce de
tholose dans la maison et habitation de **pierre faure
plus vieulx laboureur dud(it) lieu de beauvais** habit(ant)
es p(res)ances de moy not(aire) et tesmoingz [pa]rt dessoubz scriptz
establi en [per]sonne led(it) pierre faure plus vieulx
demeurant acis sur ung banc de fuste dans
la sale haulte de sad(ite) maison demeurant en sa bonne
et [par]fecte memoire et cognoissance bien voyant et
ouyant le quel a()fait et ordonne son dernier testement
et derniere volunte de ses biens comme sanssuyt
premierement traictant led(it) pierre faure testateur
c()est signe du seing de()la sainte croix avec sa main
droicte disant in nomine patris et filii et
spiritus()sancti amen traictant des causes spirituelles
lesquelles doibvent preceder les tem[por]elles come
plus haultes et plus dignes led(it) testateur a()dict
et a()volu que quant son arme sera des[por]tee de son
corps [par] le bon vouloir de dieu a recomande son
arme a()dieu le pere et a la glorieuse vierge marie
et a()volu que son corps soyt encepveli dans le

cimetiere de()l()esglise [par]rochelle dud(it) lieu de beauvais
et au tombeau ou se [par]ens et amys trespaces
ont acostume estre encepvelis item plus a()volu

et ordonne led(it) testateur que le jour de sa sepulture soient apeles
et convoques dotze p(rest)bres lesquelz seront tenus de dire et
celebrer une messe ung chescuns pour l()arme d()icelluy
testateur / et a()volu et ordonne que a()chescun d()eulx soyt
donne de son bien vingt cinq deniers t(ournoi)z poyables
une()fois tant seullement et ainsi seront tenus de
dire l()obseque sine l()office des mortz et que led(it)
jour / soient alumes deux entorches de cire de poys
de demye livre de cire et avec la refection cor[por]jelle
item plus a()volu et ordonne que luy soyt suyvie
la novene [par] neuf jours apres son deces et chescun
jour luy soit dicte et celebree une messe de requiem
pour son arme et des ses [par]ens et amys et que a()lad(ite)
messe soyt offert pain vin et *lum(iere)* item plus a
volu et ordonne led(it) testateur / que au bout de()la
novene luy soyt faict ung revit au quel a()volu
que soient apeles dotze p(rest)bres lesquels et ung chescun
seront tenus de dire et celebrer une messe de requiem
pour son arme et pour les trespaces de son linaige
ausquels a()volu que soient donnees de son bien a
ung chescun d()eulx deux dixains poyes une fois
tant seullement [par] ses heretiers universels et que
led(it) jour leur soyt donner refection corporelle
et led(it) jour soient alumes deux entorches de cire
poisant deux livre(s) de cire item plus a volu
et ordonne led(it) testateur que au bout de()l()an de son
trespas soyt faict pour son arme a()la forme et
maniere come alegue led(it) jour de sa sepulture item
plus a()donne et legue ledict testateur pour amour de
dieu et [pour] almoynes pie au bassin des armes de
purgatoire de()l()esglise de saint pierre de merlet troys
dobles poyables une()fois tant seullement [par] ses

xii

heretiers universels et a()toutz les autres desd(ites) esglises
a()ung chescun dix deniers poyables une()fois come dict est
item plus a()donne et legue led(it) testateur pour amour
de dieu et en remision de ses peches aux quatre [con]verces
de l()ordre de povrete une raze bled missole poyable
une fois tant seulement apres son deces item plus
a donne et legue a()chescun filhol ou filholle *de sous*
la some de cinq soulz le()jour des nopces desd(its) filhols ou
filholes item plus a()donne et legue led(it) testateur
en mariage et pour son doaire a **ramonde faure**
sa filhe legitime et naturelle la some de trente livres
tornoiz item plus deux robbes noveiles une quote de
drap noir paris une gonelle de deux pere ung lyt
nobeil (*noveil*) garny de une coulciere ung coissin avec demy
quintal de plume une flessade de laine quatre linceulx

chescun de deux *pernes* tout bon et souffisant et
a volu que lad(ite) ramonde sa filhe soyt nourrie entretenue
et alimentee assa maison sur son bien tant qu()elle *vivroit*
jusques a()ce que sera mariee et oultre led(it) doaire
luy a()donne la some de cinq soulz t(ournoi)z poyables une foys
tant seullement moyenant lesquelz cinq soulz et
doaire susd(its) l()a faicte son heretiere [par]ticulaire et que
ne puisse rien plus demander sur son bien ne a()ses
heretiers universels mais que se tr(o)uve [pour] contente item
plus a()donne et legue led(it) testateur pour toutz droictz
et actions a **aultre ramonde faure sa filhe** legitime
et naturelle **fame de jehan mauri du lieu de
verlhac** la some de cinq livres t(our)nois pour ce que
son contrauld de mariage ne luy donne pour son
doaire sinon vingt cinq livres t(ournoi)z comme apert [par]t l()instrument
de mariage et oultre toute lad(ite) some et ()doaire a()donne
a()lad(ite) ramonde la some de cinq soulz t(ournoi)z moyenant
laquele some constituee en doaire et cinq soulz t(ournoi)z
la faicte son heretiere [par]ticulaire et a()volu que ne
demande rien plus sur son bien ne a()ses heretiers
unniversels item plus a()donne et legue led(it) testateur
a()la forme et maniere que dessus a **anthonie faure**

sa filhe legitime et naturelle **famne de dorde manguie** le
doaire en son contract de mariage constituee et oultre
led(it) doaire cinq soulz moyenant lesquelz cinq solz et
doaire susd(it) la faicte son heretiere [par]ticulaire et que ne
puyse rien plus demander a son bien ne a()ses
heretiers unierselz item plus a volu et ordonne que
jehanne gilberte sa famne soit maistrece et senhorese
de tout son bien tant que vivra menant vide viduale
et honeste et tant que demeurera a sa maison et
an cas que ne puisse acorder avec son heretier universel
a()donne et legue pour sa penssion a lad(ite) gilberte sa
femne et pour f(air)e demeure deux crambres^(*) de maison
joignantes avec son passage convenable item plus
deux cestiers de bled missole checune annee une barrique
de bon vin pur un autre barrique de demy vin son
calphaige^(**) de lenhes^(***) son *pl...* de ort^(****) son intrade
et sallyde [par] ses terres et possessions et licen(ce) de prandre
de toutz fruictages pour son manger / tout ainsi que
faict au p(rese)nt une raze de sal ung porc totes les annees
et la valeur de trente soulz a la feste de toutz saintz
poyable une robbe de drap du p(rese)nt pays [pai]re sabetons
chosses et [par] toutz les ans quatre livres huyle olive item
plus a()legue led(it) testateur pour les funeralhes
de()lad(ite) jehanne gilberte sa femne a()la forme et maniere
come alegue et ordonne led(it) testateur pour son arme
au present testament item plus a dict et ordonne
led(it) testateur que au cas que lad(ite) jehanne sa famne
se remarie ly a()donne pour les sercices que luy a()faictz
et fera au temps advenir la some de dix livres t(ournoi)z
poyables une foys tant seulement au cas susd(it) et pour
ce que la institution de heredite est le chef et fundament
d ung chescun testament sans la quelle tout testament

est nulle a ceste chose led(it) testateur / en toutz et chescuns
 ses biens meubles immeubles presens et advenir / en
 quelque lieu que soient ou pourroient estre a()trouves a
 faict et institue son heretier universel et an sa
 propre bouche l()a nomme assavoir est **micheau faure**
son filz legitime et naturel a()toutes ses volutes faire
 [par] le quel a()volu et veult que toutz les legatz
 au p(rese)nt testament faict soient payes et non [par] aultres
 et a()dict et ordonne davantaige led(it) testateur que
 si led(it) micheu faure son filz et heretier universel unique
 s()en va de vie a trespas sans enfans ou filles de
 son vray mariage procrees ou()sans faire testament
 a()volu led(it) testateur aud(it) cas que tout le bien et
 heredite pleno jure demeurat ausdites rammunde jehanne
 aultre rammunde faures ses filles legitimes et
 naturelles a toutes trois esgalz partissimes ,a()toutes leurs
 volutes en faire lesquelles toutes trois a substitues
 ses heretieres universeles et ce dessus a volu led(it)
 testateur estre son dernier testament et sa derniere
 volute lequel a volu que soyt valhable et ayt vertu
 [par] droict de testament et si ne peult valoir [par] droict
 de testament a volu que soit vallable [par] droict de
 codicille ou codicilles ou aultrement [par] donna(ti)on faicte
 a()cause de mort et [par] droict de aultre chescune derniere
 volute et en la melheure forme et maniere que faire
 se pourra cassant et annullant toutz aultres
 testaments codicilles donna(ti)ons et aultres dernieres
 volutes [par] luy [pa]rt cy davant faictz et a volu que soient
 de nulle efficace et valeur et le present testament
 demeurant en sa bonne et [par]fecte valeur et
 efficace sy a requis et pries toutz et chescuns les

tesmoingz [pa]rt de soubz scriptz que en ce voulussent estre
 presens et pourter tesmoignage de verite et a moy not(ai)e
 sousigné luy eusse a retenir instrument et acte de tout
 ce dessus ce que luy ay aultroye es p(rese)nces de m(aîtr)es
 charles foysac salvy segne p(rest)bres anthoine promenquieres
 geraud armac pierre benavent jehan frontintz faure
 de beauvays jehan faure cousturier de villemur habit(an)s
 tesmoingz a()ce apeles et p(rese)ns et de moy pierre
 tolosa not(air)e royal

(*) *Crambres, cambra, cambre, chambre*, pièce, en particulier pièce où l'on dort.

(**) *Calphaige, calfatge*, chauffage.

(***) *Lenhes*, bois de chauffage, bois sec, bois mort, employé sous la forme de fagots.

(****) *Ort, hort, hord*, jardin.